



## Fréttir af verkefninu og staða framkvæmda

- **Fyrri aðkoma að Landspítala opnuð aftur þegar ný undirgöng verða tilbúin**
- **Ný bílastæði í inngarði Barnaspítala**
- **Jarðvegsframkvæmdir við nýjan meðferðarkjarna, framkvæmdasvæðið komið í fulla stærð sunnan við Barnaspítala**
- **Framkvæmdir við kvennadeild**
- **Gerð undirganga undir Gömlu Hringbraut, uppsláttur og steypuvinnna**
- **Frágangur bílastæða við Eiríks götu á lokametrum**
- **Frágangsvinna við gatnamót Laufásvegar og Gömlu Hringbrautar**
- **Akstursleið inn á framkvæmdasvæði meðferðarkjarna frá Læknagarði**

## Aðkoma að Landspítala – aðkoma í gegnum Gömlu Hringbraut opnuð aftur í haust

Aðkoma að Landspítala í gegnum Gömlu Hringbraut verður opnuð aftur þegar ný undirgöng við Snorrabraut verða tilbúin í haust.

Eins og stendur er ekki hægt að aka í gegnum Gömlu Hringbraut að deildum Landspítala eins og sjá má á eftirfarandi myndbandi:

<https://www.facebook.com/nyrlandspitali/videos/2043879582327813/>

## Ný bílastæði í inngarði Barnaspítala (Sjá nr. 1 á korti)



Aðalinngangur Barnaspítala er með akstursaðkomu frá Laufásvegi og Barónsstíg.

Búið er að opna ný skammtíma og sleppistæði fyrir Barnaspítalann í inngarðinum milli Barnaspítala og kvennadeilda. Þessi stæði eru fyrir sjúklinga og aðstandendur og eru ekki ætluð starfsfólk spítalans.

Skammtímastæðum sem voru beint sunnan við Barnaspítala hefur nú verið lokað með opnun stæðanna í inngarðinum.

Frágangsvinna við hellulögn á jaðarsvæðum inngarðs er vel á veg komin. Gönguleið er nú framhjá Barnaspítala, í gegnum inngarðinn og yfir á bílastæðin suðvestan við Gamla Spítala.

## Jarðvegsframkvæmdir við nýjan meðferðarkjarna. (Sjá nr. 2 á korti)



Vinna við sprengingar og uppgröft nýs meðferðarkjarna gengur vel. Svæðið stækkar til norðurs og austurs eftir því sem vinnu við tengiganga og frágang hjá kvennadeild og Barnaspítala lýkur.

Framkvæmdasvæði Meðferðarkjarnans er nú komið í fulla stærð sunnan við Barnaspítala og stækkar ennfrekar þegar frágangi við kvennadeild lýkur og gönguleið milli Barnaspítala og kvennadeilda verður færð upp að byggingu kvennadeilda. Bílastæði fyrir Barnaspítala eru nú í inngarðinum milli Barnaspítala og kvennadeilda. Framkvæmdasvæðið er afgirt og vaktað og er öll óviðkomandi umferð um svæðið bönnuð.

## Uppsteypun á lagnagangi meðfram kvennadeild. (Sjá nr. 3 á korti)



Vinna við uppsteypu á kvennadeildargangi er lokið. Búið er að fylla að tengiganginum og er vinna við færslu og frágang á lögnum yfir ganginum í fullum gangi. Að því loknu hefst vinna við að gera göngustíg og akbraut yfir tengigangi austan kvennadeilda.

Sprengja þarf fyrir hluta af bráðabirgðavegi sem liggur sunnan Gamla spítala, kaflinn frá suðvesturhorni Gamla spítala að núverandi uppgreftri við kvennadeildar.

Athygli er vakin á því að vegna þessarar framkvæmdar er lokað fyrir akandi umferð frá suðri að Kringlu og kvennadeild frá 22. júlí til 30. júlí.

Framkvæmdir við suðurenda kvennadeilda eru enn í gangi og er suðurinngangur kvennadeilda lokaður meðan á þeim stendur.

## Gerð undirganga undir Gömlu Hringbraut. (Sjá nr. 4 á korti)



Uppsláttur og steypuvinna við stoðveggi og undirgöng er á fullu skriði. Búið er að steypa undirstöður og hluta af veggjum undirganga. Vinna við stoðveggi í tengslum við undirgöng er einnig í fullum gangi og svæðið farið að taka á sig mynd. Vinna við lagnir á svæðinu er að mestu lokið.

Vakin er athygli á því að gönguleið er núna frá Læknagarði og upp á Bústaðaveg og þar meðfram til að komast að geðdeild. Ekki er opin gönguleið í gegnum framkvæmdasvæðið. Framkvæmdir í og við undirgöng munu standa yfir fram á haust.

## Bílastæði við eldhús og rannsóknastofur við Eiríksgötu. (Sjá nr. 5 á korti)



Búið er að ganga frá bílastæðum við Eiríksgötu. Bílastæðin eru ætluð fyrir sjúklinga og eru með snjóbræðslukerfi. Eftir á að reisa hjólkaskýli við vesturenda bílastæðis. Hönnun á skýli er lokið og framkvæmdir við byggingu þess að hefjast. Stefnt er að opnun hjólkaskýlis í október.

## Frágangsvinna við gatnamót Laufásvegar og Gömlu Hringbrautar. (Sjá nr. 6 á korti)



Frágangsvinna í kringum gatnamótin er í fullum gangi. Eftir er að helluleggja gönguleið í vegginn í beygjunni við Barnaspítalann, sem verður gönguleið yfir götuna að Barnaspítala. Það verður gert í júlílok. Fljótlega hefst svo lóðarvinna sunnan við Gömlu Hringbraut við strætisvagnastöðina, en ný hellulögð verður lögð á svæðið sambærileg við þá sem búið er að leggja norðanmegin við Gömlu Hringbraut.

Allar upplýsingar á akstri strætisvagna er að finna á vefsíðinni [www.straeto.is](http://www.straeto.is). Athygli er vakin á því að til að tryggja aðgengi strætó um Barónsstíg er bann við bifreiðastöðum við austurkant Barónsstígs milli Eiríksgötu og Laufásvegar.

Starfsmönnum Landspítala er bent á að leggja ekki á þessu svæði því það hindrar fær strætisvagna um Barónsstíg.

Athygli er einnig vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.




## Yfirlitsmyndir af svæðinu. (Sjá gula punkta á korti)

Búið er að setja upp yfirlitsmyndir af svæðinu á völdum svæðum til að gangandi vegfarendur átti sig á gönguleiðum um svæðið.

# Skýringarmynd

Á kortinu eru sýndar gönguleiðir, götulokanir og framkvæmdasvæði.



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)  
Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is).

Sértækar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)